



Yolanda Amiell Sangüesa, secretària accidentau deth Conselh Generau d'Aran,

CERTIFIQUI:

Que segontes Decret de Sindicatura num. 0507/2024, de 29 d'agost, s'a adoptat era següenta resolucion, era còpia literau dera quau ditz:

“Francisco Bruna Capel, sindic accidentau deth Conselh Generau d'Aran, en tot hèr usatge des facultats que me conferissen es articles 29.4 i) e 30.2 dera Lei 1/2015, de 5 de hereuèr, deth Regim Especiau d'Aran,

Exposicion de motius

Eth Conselh Generau d'Aran, d'acòrd damb er article 26.2 dera nomentada lei, “assumís, damb caractèr generau, era gestion ordinària dera Administracion dera Generalitat en territòri d'Aran” e compde damb un ampli marc competenciau tath planejament, ordenacion e creacion de servicis (arts. 48 a 50), ben damb mieis pròpris o en tot compdar damb eth traspàs o delegacion de servicis per part dera Generalitat de Catalunya, en aguest sens er article 59 dera Lei d'Aran establís eth marc competenciau en ambit des servicis sociaus:

1. Corresponen ath Conselh Generau d'Aran, d'acòrd damb era normativa e era planificacion dera Generalitat, es competéncias següentes en matèria d'accion sociau:

a) Era gestion des servicis sociaus d'atencion primària.

b) Era gestion des servicis sociaus especializadi, includidi es adreçats ara gent grana, ara mainadèra e as persones en situacion de dependéncia o damb discapacitat, e era avaloracion d'aguesti servicis segontes es critèris establidi pera Generalitat.

c) Eth foment des centres ocupacionaus tàs persones damb discapacitat.

2. En atencion ara complexitat dera matèria e ar hèt qu'eth sistèma aranés de servicis sociaus forme part deth sistèma catalan de servicis sociaus, s'an d'exercir de manèra compartida entre eth Conselh Generau d'Aran e era Generalitat, d'acòrd damb era legislacion dera Generalitat, es competéncias següentes:

a) Es relatives as ambits establidi pera Lei 12/2007, d'11 d'octobre, de Servicis Sociaus e peth desplegament dera cartèra de servicis sociaus.

b) Es servicis sociaus de besonh tara aplicacion dera Lei der Estat 39/2006, de 14 de deseme, de Promocion dera Autonomia Personau e Atencion as persones en situacion de dependéncia.

3. Eth Conselh Generau d'Aran a de participar ena gestion des recorsi economics dera Generalitat destinadi ara accion sociau, que s'an d'incrementar de manèra proporcionau ar increment des sues competéncias en aguesta matèria, d'acòrd damb eth principi de suficiéncia financèra e damb eth que determine eth títol VI sus eth finançament deth Conselh Generau d'Aran.

Totun açò, eth Servici Aranés de Benèster e Salut, a trauèrs d'Aran Salut, ei er organ public



encargat de desplegar es politiquas socialas e de salut que li encargue eth Conselh Generau d'Aran, qu'actuaument desvolope eth pròpri modèl d'atencion integrada sociala e sanitària.

D'un aute costat, era Lei 12/2007, d'11 d'octobre, de Servicis Socials, qu'ordene eth Sistèma Català de Servicis Socials. Enes articles 16.2 e 17.i, s'establís qu'es servicis socials basics d'atencion primària an encomanada era prestacion e era gestion des servicis d'atencion domiciliària e teleassisténcia, entre d'autis.

Era Lei 39/2006, de 14 de deseme, de Promocion dera Autonomia Personau e Atencion as personas en situacion de dependéncia, establís tanben en sòn article 12 qu'es entitats locals participaràn enes servicis d'atencion as personas en situacion de dependéncia.

Era Lei 7/1985, Reguladora des Bases de Regim Locau estatau, enes sòns arts. 25.2 k e 26.1 c, e eth Decret Legislatiu 2/2003, de 28 d'abriu, peth quau s'apròve eth Tèxte Rehonut dera Lei municipau e de regim locau, enes sòns articles 66.3 k) e 67 c), establissen, entre d'autes competéncias municipaus, era obligacion des municipis damb populacion de mès de 20.000 abitants d'assumir era prestacion de servicis socials. Per çò que hè as de caractèr basic, er article 31.2 dera nomentada Lei 12/2007, d'11 d'octobre determine qu'es comarques suplissen as municipis de mens de vint mil abitants ena titularitat des competéncias pròpies des servicis socials basics qu'aguesti municipis non siguen en condicions d'assumir directament o mancomunadament.

Eth SAED ei un esturment basic des politiquas deth govèrn d'Aran d'atencion as personas, que dan supòrt ara autonomia foncionau des personas e familhes, en tot garantir eth dret a víuer en entorn social e ena pròpria casa e constituís tanben un esturment privilegiat tà aufrir supòrt educatiu, preventiu e assistencial as familhes en situacion de mès vulnerabilitat.

Fonaments de dret

Son d'aplicacion:

- Era Lei 12/2007 de 12 d'octobre, de Servicis Socials (en endeuant, LSS) establís qu'ua des finalitats des Servicis Socials, entre d'autes, ei era d'assegurar eth dret des personas a víuer dignament pendent totes es etapas dera sua vida gràcies ara cobertura des besonhs personaus basics e des besonhs socials, en marc dera justícia sociala e deth benèster des personas. Era LSS, en sòn article 16 reconeish qu'es servicis socials basics an un caractèr polivalent, comunitari e preventiu entath foment dera autonomia des personas entà que visquen dignament, en tot atier es diferents situacions de besonh en que se trapen o se poguen presentar. Es servicis socials basics an de dar responses ar ambit pròpri dera convivença e era relacion des destinataris des servicis.
- Era Lei 39/2006, de 14 de deseme, de Promocion dera Autonomia Personau e Atencion as personas en situacion de dependéncia, definís eth Servici d'Atencion Domiciliària coma eth conjunt d'actuacions amiables a tèrme en domicili des personas en situacion de dependéncia damb era finalitat d'atier es sons besonhs dera vida quòtidiana, prestades pes entitats o empreses, acreditades entar exercici d'aguesta foncion.
- Era Lei 12/2007, d'11 d'octobre, de Servicis Socials, en art. 21.2.j mencione era atencion domiciliària jos eth títol "Prestacions de Servicis" e er apartat cincau dera disposicion addicionau prumèra afirme qu'era cartèra de Servicis Socials aurà d'includir era atencion domiciliària.
- Era Lei 14/2010, de 27 de mai, des drets e es oportunitats ena infantesa e era adolescéncia, en article 104, numèr es mesures d'atencion sociala e educativa deuant es



situacions de risc, entre es que se trapen er acompanhamento der infant o der adolescent as centres educatius o en autes activitats, e eth supòrt psicologic o es ajuts en estudi e er ajudat en domicili.

- Eth Decret 142/2010, d'11 d'octobre, peth quau s'apròve era cartèra de Servicis Sociaus 2010-2011, qu'a estat prorrogada e a on còste eth Servici d'ajuda en domicili coma prestacion garantida.
- Lei 39/2015 d'1 d'octobre deth Procediment Administratiu Comun des Administracions Publiques.

Cossent damb tot çò expausat,

È RESOLVUT:

PRUMÈR.- Instar e impulsar er expedient entà procedir ara aprobacion deth *Reglament des prestacions deth servici d'atencion en entorn domiciliari en Aran*.

DUSAU.- Ordenar era realizacion d'ua consulta publica, per un periòde de 15 dies naturaus, damb caractèr prealable ara elaboracion deth projècte de Reglament des prestacions deth servici d'atencion en entorn domiciliari en Aran, damb er objectiu de recuelher era opinion des ciutadans/es e organizacions mès significatives potenciauments afectades peth futur reglament, en compliment d'aquerò que dispause er article 133 dera Lei 39/2015, de Procediment Administratiu Comun des Administracions Publiques.

Era consulta s'amiarà a tèrme mejançant era sedença electronica deth Conselh Generau d'Aran en relacion damb:

- a) Problèmes que se pretenen solucionar damb era iniciativa.
- b) Besonh e oportunitat dera sua aprobacion
- c) Objectius deth reglament
- d) Possibles solucions alternatives reguladores e non reguladores.

TRESAU.- Notificar aquest acòrd as personas interessades.

QUATAU.- Contra aquest acte de tramit, que non exaurís era via administrativa, non procedís interpausar cap tipe de recors, sense perjudici dera possibilitat d'interpausar posteriorament es recorsi corresponenti contra er acòrd d'aprobacion definitiva."

E, entà qu'atau còste ar efècte oportun, signi aquest certificat d'orde e damb eth visteplatz deth Sindic accidentau.

Vielha, *signat electronicament*

Vist e platz
Eth Sindic accidentau

Francisco Bruna Capel